





雪菴詩存



詩自三百篇而下有晉近體自唐而下有宋晉風
駘宕宋風端莊要皆雅頌之遺也余嘗謂靖節之
高能達觀於死生伊川之正而退主於靜一迹其
言論與其詩歌皆味道者之言究其流極略近禪
寂若夫性生之士不襲世趣則進是矣其體專故
其聲舒以長其氣樸故其辭純確而不惑於辨所
謂潔不病寒硬不害瘦者庶幾似之蓋煙霞山水
天真合舍有由然也余讀丁子雪菴詩存益信雪
菴為大司空清惠公之孫羊神肅肅有冰霜操與

雪菴詩存序
難弟函巨蓋一乳云余交雪菴不數年而雪菴殞
雪菴子為余壻戊辰春持其尊人詩存來索余序
顧詩何以名存也雪菴精舉子業成一家言以其
緒餘作五七古近體甚備彌百累千一旦為盜胙
篋而去嗚呼盜亦解喙者耶乃能以數寸赫蹠與
珠玉錦繡等視盜不啻知已然而雪菴所存者希
矣余見其存而惜其所失者之多而尤可以概其
所失者之盡工巧而法也試讀其所存悲者愉者
怪者漫行者游目騁眺者香鑪茗椀而恬曠者酣

飲者豪蕩縱適者致各不同而皆有蕭颯之韻便
娟於手腕間譬若萬頃同縞千巖俱白寒光交錯
心目俱動其以是為雪菴以是為雪菴之詩存耶
余每溯所從得蓋常攝心蒲團無所於亂則豈非
破頭山道者之再來雙林鄉大士之應化禪寂自
如有由然者乎嗟乎今吳越之為禪寂者衆矣假
托聲韻欲游大人以成名而卒至繆戾荒舛者其
原本紛拏而不靜也嗚呼是豈所為禪寂耶而又
何言詩也西泠王士駿謨

從古兄弟之盛不可勝數而晉之二陸梁之兩到
魏之雙丁爲尤著我邑清惠公之文孫集虛函巨
雅負小雙丁之目論者或謂上視儀廩不啻過之
則以其兄弟又孿生者也夫才子天下難得之物
也出於一門奇矣出於一門而且由於一乳豈非
奇之奇哉方集虛之墮地也比函巨特蚤頃刻耳
而儼然爲兄少時狀貌言語性情無不同者稍長
同以能詩名閭里同交於余兄弟然亡兄孝廉長
於丁氏兄弟者十餘歲丁氏兄弟以長兄之禮事

之甚尊敬與余季相若故加以親愛猶憶生平
從事吟社間見集虛之詩朗潤則謂之清才函巨
之詩華贍則謂之長才同學少年咸謂品題頗得
當即丁氏兄弟聞之亦各意自得也不幸二十季
來相繼而歿香湖草堂集經我家水邨選輯業已
問世近者集虛之令子雲士出雪菴詩存屬余編
次將授剖劂余疑集虛一生著述當不止此百餘
篇及細叩其故始知雪菴全集本有十卷常同水
坑古硯鎖巨麓中一旦偷兒入室竊負而去明日

榜門設重賞購求終不可得想付之洪濤烈焰矣
無可奈何而零星收拾僅得什之一二命曰詩存
蓋致恨於所不存者正復不少也嗟嗟集虛之歿
不滿五十函巨不滿六十任選輯之役如水邨歿
於旅邸亦五易寒暑於茲矣甚矣哉才子誠天下
難得之物也性命既有疾病死亡之憂文章復有
水火盜賊之患我願天下之懷才者尚自念之天
下之育才者尚共念之康熙己丑長夏同學魏允
札書

詩者性情也人各有性情性情中各有詩不相襲也浸假執一家言以律衆人固不可試執一人言以律同氣之兄弟謂棣萼競爽其見於文辭者必成水乳之合無迺迂而鮮當乎吾里丁清惠公孫雪菴先生與難弟函巨爲孿生子子狀貌同服食同起居出處同天性孝友英姿力學無不同獨是函巨風流跌宕和易近人雪菴則恂恂謹飭交游不苟兩人之性情異生平著述函巨以華瞻爲宗雪菴則簡質是尚筆墨町畦亦迥乎不侔矣然其異

而同者虔奉大雄氏之教貝葉微言心領神會猶之無著與天親也集中如春齋四時讀書樂述遊徑山送赴雲門諸什非得陶韋之冲夷王孟之雋永而出之以朗悟者乎至若詠夸齊詠荆卿有關名教之作也農人怨述壬子歲事不減元結春陵行也題面壁圖則其本來面目也先是雪菴發軔雙徑思攜嗟屐遍歷吳會諸名勝以寄其蕭疎淡遠之趣困於足疾不出戶者數季於是學宗炳之臥遊類管寧之穿榻閒居無事手輯詩文十餘卷

惜為胠篋者竊去茲特其偶存者耳今嗣雲士謀所以不朽其親者余應之曰吉光片羽亦可出以問世使人讀雪菴之詩想見雪菴之襟期晤對猶古人也且余既序函巨之詩矣不敢以不文辭為書其簡端如此同里魏坤謨

世之論詩者輒曰詩必窮而後工夫窮何遂能工哉詩緣性情而作亦惟事物之理得之深者言之始切耳或疑富貴之人汨於聲色貨利而虛靈之旨不能流露果爾則古之卿相嫺吟詠者比比皆是豈必窮乃工哉蓋存乎其人也姊婿丁集虛先生生長貴胄而性情不殊寒素誦詩讀書履仁蹈義兢兢以終身蓋不獨佳公子目之信乎其君子人也羣從俱以才顯而集虛抑然不以名譽自矜與其弟函巨日以梵唄為緣所叅悟甚深有人所

不能知者喜與散人逸士遊而恥效靡靡之習故所吟詠大抵旨歸於佛氏為多病中自訂詩文藁十卷一夕為偷兒竊去懸賞求之卒不獲苦自搜索僅掇十之一二則今之雪菴詩存是也雲士甥痛遺集之未傳因商略於余受詩而反覆覺其氣寬閒而沉靜其詞質直而秀勁兼陶元亮陳子昂之長非夫闡緩與艱澁者所可同年而語惜其全稿不可得而傳然余猶為集虛幸嘗見士大夫有生而文章見稱一時歿之後任其集蟲穿蠹蝕於

廢笥敝篋而莫之憐者尤可哀也已因語雲士雖乃翁之詩甚略而立意吐詞具見才全德備之美則乃翁之精神無不貫徹於其間又何必以集少抱疚也哉蓮溪蔣光祖誤

數十年來詩家林立大抵以宋為宗平者學劍南
奇者學誠齋若黃涪翁江西詩派已無有過而問
之者況溯而上之乎外叔祖雪菴公仰承清惠公
之祖訓獲與雲間太倉虞山諸前輩及其子弟賓
客游珠槃高會玉塵清言耳濡目染無非古香又
能下帷攻苦目不窺園故其為詩也自漢魏以及
三唐皆洞其源流吸其神味言有根抵語近箴銘
煜讀之如見古人之德宇深沉吐納雋雅竊幸為
之樞衣捧袂於其間也公與香湖公元旦孿生同

秉異才俱嗜禪悅少時博綜教典五千四十八部
如瓶瀉水旣而專事拈花一案跏趺七晝夜豁然
大悟汗出如雨自此筆町墨畦之間四通六闢益
加超詣宋人詩云于總持門通一路為光明藏啓
千門以公詩證之歷歷不爽矣司馬子長云詩以
道性情自三百篇後道情則有之矣道性則未也
惟濂洛風雅乃克有之唐宋名僧間有可採今觀
公詩云元神凝處即為丹蓋融仙釋而一之非惟
道情實養性之秘鑰也詩人之病舉儒家四庫佛

乘仙經俱束之高閣信口唵哦以多為貴於性情
何居焉昔人有言文章可以驚四筵而不可以娛
獨坐無心得故也總之唐宋皆可學但須多讀書
而意思深長劍南詩云汝輩欲學詩工夫在詩外
此至言也讀雪菴公詩能作如是觀詩道其日昌
乎外姪孫柯煜拜序

余與武唐丁方侯爲樵李吳氏僚壻外舅禮垣公
擇壻必於望族方侯乃清惠公曾孫世澤綿長家
風弗替余忝戚末得悉清惠公家訓種德績學以
文章相切劘其子孫皆英偉宏通嫻於風雅蓋仰
止者久矣今年夏養疴荒村柯世兄石菴先生見
過以清惠賢孫集虛先生詩見示且述其令子雲
士索余爲序余素知先生清修高致迥遠塵俗今
讀其雪菴詩存冲澹似彭澤恬和似輞川而雄奇
精悍復有時似昌黎似玉溪鋪錦引繡日光玉潔

雪菴詩存序
可謂薈萃古人卓然成家者矣茲集為故友魏水
村所輯既為序以冠其端余復綴數語於簡末藉
石菴以復雲士竊以附名不朽為深幸也第不知
方侯當日有詩否惜乎猶未獲一讀耳雍正十一
年癸丑孟秋碧浪輪翁沈樹本頓首拜撰

雪菴兄小傳

弟裔沆

仲兄集虛諱嗣澂雪菴其號也性孝友通經大義
能詩尤長古風高雅清腴得王江寧孟襄陽筆意
時獨坐小閣對青松篆煙徐飄明月入戶悠然有
出世想性不喜脂韋交游落落彈琴賦詩觴咏醅
酢皆鄭子真王無功一輩慎言寡交蓋天性然也
所藏卷帙甚富書籤藥裹羅列几案尤喜讀離騷
披閱名家本至數十種嘗於春夜月落參橫朗吟
九歌之章夢入屈子廟自採蘋蘩以薦鬢第靈均

與對語文狸赤豹出幽篁亂石間遽然驚覺湘水
清絃洞庭落葉皆若几席間物是殆與古人神交
者乎雅慕名山結知己裹糧登雙徑時值雪夜石
林縞皓猿鳥無聲山鐘清澈長飈夜發岩谷怒號
晨曦高騫寒烟四起白雲如海漸出萬山長嘯一
聲人境俱絕自嘆千秋有知魂魄猶思雙徑也欲
攜詩卷策筇杖偕山僧樵客遍尋吳越間佳山水
而忽得足疾偃蹇斗室雲關寂寂安能抑鬱終老
乎歛蹟頤神者數季始有起色捨杖縱步濁酒青

燈共數晨夕自幸可作白首兄弟而風木銜哀寒
疾迸作甫切蓼莪之悲旋迫在原之痛斯實人生
至感也古人云季壽有時而盡惟文章為不朽盛
事余不能留兄之季而猶得讀兄之文兄固可稱
大雅作者矣所著雪菴集共十卷臥病時為胠篋
者竊去存者僅十之一二高情雅調不與人琴俱
亡沆欲請海內達者為之立傳而未及也故先述
其梗概云

雪菴詩存卷上目錄

古體

襍詠五首

春齋二首

即事

蟲鳴

漫興

寒溪旅懷

夷齊

四時讀書樂四首

月

述家孟吳遊

贈蘇崑生

雨

感懷二首

故園

我里

述遊徑山

農人怨

述壬子歲事

悼昭兒

送浪亭和尚赴雲門

贈子衡姪

詠荆卿

訪真寂院清映師遂同遊瓶甸諸山即事賦

贈

古歌

敬題先慈遺像 并序

遊錢氏園

月夜登玉峰

浩歌

悲歌

春江花月夜

寄衣曲

禪隱先生歌

南邨行

南城行

農家怨

靜夜吟

北風行

古杉行

贈晦山和尚

福巖院謁靈機和尚

題面壁圖

泣玉吟 并後序

懷仙吟

題贈張榮三壁上畫竹歌

吳江徐暉菴妻蕭氏夢見大士聞而有感為

賦一什

聞晦山和尚入寂感賦

庚申十一月喜晤故人王子甫瞻作長歌以

贈之

白雪歌

寄懷張采六蘄水署中

家人戲藏猫子其母悲鳴尋逐感而有作

雪菴詩存卷上目錄

雪菴詩存卷上

武水丁

嗣澂

集虛

長安
振鐸西
請老也

古體

襍詠 五首

書生無遠情
監論分門戶
低昂百家言
中亦無定主
卓哉陶夫子
瀟灑凝神宇
一編蔭五柳
好風日當午
懸解本忘言
何事揮玄塵
堅白笑公孫
不如甘龍瞽

神僊雖可遇
神僊不可學
或言王子晉
吹笙騎白

雪齋詩在卷上
鶴嶽山依然存明月久寂寞言百竟何如冰心宅
寥廓觀書能息機節食勝服藥願言永生平而勿
貴妄作

養生無奇功真息探歸束常以逆旅身自迓靜者
福莊生遜楚榮少伯遠越辱濠濮地自寬五湖水
常涿於焉棲谷神奚啻寄幽躅莫爲樊中鳥心跡
雙僕僕

春風開素襟釋我煩憂縛知已有清琴名山可躡
矯遠峰聳層翠白雲起窈壑中有遐心人青目識

真樂鷓鴣一枝安鵬翼萬里薄當其適意時彼此
寧計度

閒居縱流覽伯陽說最高一樸尚不守萬化何紛
撓曹相只飲醇汲公但臥理清淨握道機治績登
青史申韓如束薪赤子將安恃善讀五千言淳風
豈虛美

春齋二首

寂寂春晝長出門何所事還坐閒堂中蕭疎得幽
致盃水靜無聲瓶花笑含媚羲皇不為遐惱焉以

凝思

身不必在山心不必在市曙色起東隅灑然萬物
理庭前數莖花卓犖亦可喜帶露有餘香因風揚
素美不偕俗人賞籍籍桃與李

即事

孟夏看新霽霽色何遠燦修岸揚桑枝高雲沒飛
翰繁聲動四隅蜂蝶影零亂曳杖返柴荆虛室布
几案婆娑酒力微淒切琴聲斷當軒送夕陽明霞
歷天半

蟲鳴

蟲鳴何切切細聽聲聲變初聞頗怡神積久亦生
倦爲我語微蟲響寂何定見放浪大化中沉吟從
所戀城市非我居林塘汝獨擅今茲虛館清冷風
惠然善汝故肯相依孤情聊用遣

漫興

澤國類予曠曾無一片山傳言白雲客住在清溪
灣時花看不盡香氣石屏間沽酒煙邨裏長歌棹
月還

寒溪旅懷

淒雲迷渡口白浪吹船頭昨霽易為樂今陰易為
愁愁來勉欲滌兀然誰與訴蕭颯竟不停此懷良
獨悟孤棹溯寒瀾舟師殊勞苦猶是唱吳歌想見
土風古

夷齊

夸齊非死名萬古聖賢心時至不可為採薇託長
嗟嗟哉鷹揚士高節誰能任回首眺黃虞素懷從
所欽安知叔季世暴爭起若林首陽一片石蕭條

直至今

四時讀書樂

艸堂春晝永無日能廢書步檐看飛鳥臨澗數游
魚几席接萬古名賢入庭除東風吹柳樹披拂子
雲居

暑月不嫌熱清風來幾竿一卷有時置援琴為再
彈急雨如瀑布奇雲生遠巒命駕多高士晤言可
滌煩

不是悲秋客秋來喜夜長滅燭當華月寒光照我

雲峯詩在卷一
牀素懷探奇籍蟲響普禱清商蘆洲或泛罷籬鞠正
凌霜

庭幽得老榦相對歲寒心茶煙煮白雪香縷散青
林冬深思往事春至接鳴禽自得移情處翛然忘
古今

月

長宵猶未央明月帶微霜能使青茅舍番為白玉
堂野薇散疎影蕭竹凝寒香久立霽陰下方知溼
桂裳

述家孟吳遊

有山不必名地僻即成勝有勝不必探詩成堪託
興家孟從西來曠歌迭相贈大抵善遊人歷歷發
清聽云向吳山道千峰盡笏立花明映古祠石蒼
鎖禪宅幽賞正無窮山僧忽進揖願引王孫裾遍
此空谷跡折磴憇山房佳蔬飽香積遊人盡看山
山靜遊人適明發出山來嬾問山外客

贈蘇崑生

今夕開華讌揖讓君子庭玉簫陳雅奏美酒進醪

雪齋詩存卷上
醞入座有蘇生丰采何亭亭引聲歌一曲四座皆
爲醒如聽風雨急孤鶴振秋翎憐君負絕藝故國
一遺伶相逢即相識燈火向人青

雨

愁人不霽行曉月陰雲籠吳天煙水外野色荻葦
中五里十里雨高枝低枝風遙見故園址溪流仍
到東

感懷二首

幽蘭生空谷碧葉長森森國香越衆芳植之娛素

心熏風發清艷愛比雙南金願言寄彼美靜思通
瑤琴

南國有佳士隱居青山岑荷衣結蕙帶素絲彈清
音三季不相見一室相思深白雲隔岐路豐艸迷
水濤褰裳往從之歲暮霜華侵

故園

故園別來久二十易星霜揚舲戒明發一水如康
莊陽春二三月氣暖百花香桃花艷籬落柳絲拂
斜塘此景客心樂况復歸其鄉我宗多明德一經

傳遺芳清風滿五湖介福壽而康我祖濟時哲歌
哭在一方谷神凝靜夜白首棲繩牀霜雞聽喔喔
婍節能自強九旬拜闕里壯志何超驤高高精爽
聚漠漠音容藏肅肅南村樹皎皎明月光寸心照
寒水千秋永相望

我里

我里稱樸俗鄉人師彥方近或襍狙獯較亦多淳
良我來乘高秋榆柳色蒼蒼老幹倚幽石紫葉飽
清霜一榻棲古屋明月滿芳塘啼烏報清曉振衣

起修廊何以託佳興楚騷唵幾章楚邦起葦路霸
業恢漢陽閨中旣已遠讒口徒紛張遂使章臺路
化作榛莽場悲歌畱千載志士心永傷閣風安可
到白水道阻長愁猿如在耳置我瀟湘旁誰能惜
家聲繼序思不忘

述遊徑山

東風扇微和陬月開令節斲杯發高情幽賞動巖
穴曾聞雙徑山雄拔冠西浙勢從天目來茗水環
秀潔蛟龍所偃臥百世資蓄泄江海盪心胸大觀

真奇絕願言往從之塵事苦羈縻撰辰邀素侶
征計勇決潔志訪靈源輕舟溯波折雙眸滌青山
微雨襟寒雪問津叩蘭若山僧薄蔬設五峰在層
雲明發恣騁閱古路遵平原春意聽百舌寒鳥立
枯桑青陽動微茁迤邐雙溪村短褐足補綴父老
尚樸淳桃源可比埒稍焉達幽境松竹無間歇但
聞樵採人樵歌和騷屑攀嶺身漸高清澗聲幽咽
山深失猿嘯天遠絕飛鷲真際希夷遊道心入恍
惚不覺躋層巔古篆勒寒碣此山係祖庭海內稱

禪窟高風迴長楸白雲掃林樾有唐一國師奮跡
殊卓越吾來憑弔之細雨山徑滑紗喜諸開士青
眼映白髮竹爐然清香瘦石堆山骨紫柏傳遺影
鬚蒼露英發雖鏤方冊經猶想見呵咄嗟哉雪嶠
翁行吟採薇蕨至今語風居空坐觀水月此皆山
之靈古德振偉伐一朝拜下風千秋慕餘烈吾聞
學道人幽居坐兀兀資彼泉石清免使心神汨乾
坤設巖壑吾黨謝簪笏遂得遊名山窮眺盡吳粵
連峰何縹緲江水照澄澈置身層霄間千里見溟

雲者言在卷一
渤得雨景夏奇銀海生天末萬里俱煙霧寒光若
可掇憑茲起崇標禪宮凌截薛金偈繡蓮花珠簾
映雲靄一佛坐當陽山前翠如潑山果襍朱碧流
覽心目豁有井神龍居春流鳴活活暗通百泉源
地脈總收括有樹起中庭虬枝蔭寥闊古木百千
章一株更奇拔祇園何窈窕勝概多超忽山水有
真機高士會心別余也守一經雅意棲蓬華風人
詠泌水易道貴貞吉非學廬山賢詎希竹林逸即
事撫蒼涼閒情愛蕭瑟上山苦遲遲下山轉愁疾

清飈散夕陽丹霞拱白石

農人怨

太守天子使農人太守民農人前再拜敢向太守
陳執業列千端何辜作農人秋禾春麥間日日勞
其身勞時何敢怨閒時轉苦辛絲穀不遑計婦子
如束薪今遇太守好溫顏若可親祈將百種怨化
作一方春

述壬子歲事

穹蒼育萬姓嘉種降自天八政先食貨春秋書有

季風詩陳七月物候占星躔固知豐與歉聖心實
所度民生勤拮据不過給粥饘一朝失儲蓄零落
饑寒邊不聞淮陽道洪波噬高阡黃髮病誰扶朱
顏啼可憐流離今在目我浙滋懼焉三吳蒙介福
豐稔十載沿順成不常保倚伏闕化權注歲集淫
潦新畬蕩為川客秋芟柞苦腴壤少十千天心勸
力穡食報由精專春田鬪絲竹無乃劬勞捐招搖
指孟夏日隱浮雲顛不知何處蝗蔽翼落青田入
秋氣何肅淒雨翻紅蓮猶疑天悔禍所賴培植堅

八月風物好搏扶有高鳶農家計新穀指日登炊
煙忽焉降痲癘功成毀螟螣其形何瑣屑其族何
蔓延詩人畀炎火農政偏不傳季年西成月繡陌
黃雲連父老慰作苦酌酒共烹鮮吁嗟如此歲一
望涕潺湲吾聞良司牧感格天心還消此蝨賊孽
庶幾苛煩蠲古道久不復黔黎際逆遭蕭條此何
象長吏當惻然變理幸帝德生施資上亶閭閻膺
第祿疾苦付流泉陽和迴舊律蒲柳瞻新妍老農
告婦子處處鶯花圓

雪齋詩存卷一
悼昭兒

人生穹壤間元化孕靈魄修短詎有常彭殤俱過
客艸頭露易晞奔駒影移隙小季望大年三壽實
殊獲傷哉次兒昭生而貌弈弈門中繩武願蚤喜
懸弧日何意青陽姿奄從秋霜厄徙倚增遙思婉
轉動憐惜嗟汝秉天資卓犖超什百六齡謝嬉遊
深好在簡策怡顏就外傳棗栗不相索汝資頗英
異汝氣亦揮斥汝父每迂絕夏楚不汝釋却謂父
應然含悽心脈脈人世愛嬌嬰錦衣啗肥炙汝也

飽藜藿布袍袖還窄苦節古所譏腐儒同木石汝
受論孟時天機笑啞啞雲霽六月天霜清三冬夕
琅琅讀書聲聞者歎嘖嘖近來發新慧議論見擘
畫淨几臨黃庭小瓶花曉摘童子亦何知雅意在
幽適如窮縱壑鱗試奮摩天翮他季可伴我小齋
研典籍常聞老氏言虛靜含丹液愚訥亦可爲辛
勤枉相迫又如玉樹叢當階若拱璧封人祝多男
佳話在夙昔蓮社舁籃輿花源踏春陌醉酒倩兒
扶行歌儘怡懌如何據浮義竟使真意隔痛我三

靈譴覩汝一病劇青燈照汝心湯藥少扶掖誰能
學達觀生死如幻擲我怨東流波汝歸南山宅寒
林空素煙千樹梅花白

送偃亭和尚赴雲門

我聞金僊子心安無住著清輝滿世間鷲嶺寶月
落道場開嵯峨法音振寥廓浮杯大江心卓錫青
山脚行止任天真閒情合淡漠宗風昔所仰逸軌
越忖度我邦香林古赤烏年間作緇流渡江南勝
迹夙有託峩峩雙雲幢千秋擁華閣升沉隨遷流

三界同旅泊地古老煙霞風高悲鳥雀突兀空王
宮俯仰愁寂寞鴛瓦蝕清霜虬欄委寒籜近來圖
補葺閭里轉蕭索非關法運微應亦人力薄吾師
赤手至孤情饒大略霜髮紫袈裟邦人顧之樂合
十觀世尊天龍亦踴躍超超白玉塵指揮斧與鑿
危構燦層霄百堵皆開拓法鼓節仙梵寶王飾瓔
珞緬懷師初來花宮奏春籥寒星見一周古壁盡
丹堊松篁栽新枝菜麥吐秀萼清籟發霜鐘飛樓
振寶鐸此間續禪燈師恩實布護功成復拂衣芳

雪齋詩存卷一
洲採杜若南望會稽山悠悠饒雲壑祖庭懼蒸蕪
慧劍淬鋒鏑浙水湧輕濤蒲帆風力弱懸知曠士
懷佳句滿行橐越嶺控吳江浩氣同磅礴相送無
俗情高歌對寒魄鑑湖清徹底蘭渚風如昨素多
隱君子逍遙侶猿鶴靜夜聞清嘯寒泉相與酌探
彼委宛竒清言通醕酢我邦雖僻陋古蹟喜灼爍
慈雲及雲門吾師付一喙秋高且歸來說法解羣
縛

贈子衡姪

維爾曾大父吾祖之仲兄深心愛古道友于則天
明時聞龍谿子越嶺羅羣英一月燭霄漢朗然六
合清弟兄並命駕禹穴亟遄征師門得了義出處
無俗情草堂正襟坐喔喔寒雞鳴琴樽相注還軒
冕不能驚誰無昆與弟幾人齊令名方知天倫樂
真趣在樸誠余也賴庭訓幸得溯家聲默誦儒先
傳清音同簫笙索居憐寡偶悵悵將安行子有邁
世識心源何澄泓時來發微言春風坐相迎出郭
同緩步高歌答啼鶯有花慰佳夕有酒酌瓷甕慨

余近櫻疾責已良不輕百年恐易逝念此心忤忤
當祛客塵妄棲心向幽貞子乃璞中玉刮磨舒精
瑩懿親兼令德交更淡以成願言誨弱息蒙養長
和平庶克紹先緒允為家之楨

詠荆卿

七國俱任戰強秦尤橫行關河恃天險其鋒莫敢
櫻六王甘臣僕空擁貔貅兵燕丹奮雄略荆卿激
孤誠高歌水亦寒斗酒壯心傾相送盡男子來發
西行旌尺劍掃酷烈四海均義聲奇功雖不立足

令暴主驚俠客惟數此千秋垂令名

訪真寂院清映師遂同遊瓶甸諸山即事賦

贈

真寂境何如禪居構上方遠巒映層疊淥波泛滄
浪清公來棲遲心潔如冰霜閒持貝葉偈答此春
山光余亦愛雲壑尋幽忘阻長入門見真趣況復
憇山房主人似野鶴落葉煮清湘素盃贈嘉客小
閣共徜徉推窗寒岫白四顧同雲黃茫茫水晶城
風動金琅璫瓊姿耀綠華瘦影窺雕牆此誠山居

雪齋詩存卷上
樂澹然挹孤芳石林禪鼓發梵聲殊悠揚金仙在
何許空山聞天香清公賦高懷逸事相與商欲更
恣登臨寒暉艷青陽山家作什器自古風熙壤陶
煙散晴麓回薄春雲翔西來豁藁莽可以遠眺望
一水淡容與羣峰久低昂蹲踞列獅象參差飛鳳
凰山皆宛
肖物形勢抱招提雄卜築真相當於焉樂涸澆
恍若同蒙莊極目視雲漢何事悲滄桑

古歌

吾見豪家翁氣焰如乖龍寒士門外走豎躄類跛

狗却緣飢驅來緩憩中腸哀豪門轉凌轢寒士顏
輯輯貴賤交情見雲泥邈難及槿花朝來榮蒼松
老獨立士寧拂衣歸采食山中薇麋鹿同棲遲勿
謁豪富兒

敬題先慈遺像

并序

陟屺望親悲哉行役拾薪見子天作相逢人間
聚散母子關情有如此也而乃辛苦崇朝別離
畢世惟此吾生之辰即是親違之日留春暉於
寸艸難報劬勞滴珠露於秋雲易深僚慄四十

季已隔慈幃三千界應居淨土爰述美德約之
數言既見功翼宗祧猶願生綿瓜瓞爾

雖爲我母兒不識我母面今茲瞻遺影含悲淚如
霰山高猶有巔海闊猶有畔生物陽春功春歸將
何戀婦德稱孝恭閨門頌婉孌曾無菽水歡空有
蘋蘩薦聆音真寂寥窺意如可見何以望後人努
力在爲善

遊錢氏園

錢子約我乘輕舟溯洄徐出東門道望中小閣臨

谿開夾岸桃花雜芳艸神注不及少逡巡鶯轉疎
林春色好主人揖客叙良晤石磴橫陂塵迹掃竹
風凌亂松濤鳴疑泛滄江勢如倒虛堂瑤瑟自泠
然鼓楫歸來何不蚤

月夜登玉峰

喜見明月天一方攝衣登山吹晚涼兀立山頭最
高頂月明煙水空蒼茫山底遊人盡若狂笙歌儺
舞樂未央吾心直寄孤霞上此身何必居窮桑

浩歌

雪齋詩在卷上
江南五月南風作雲頭催雨勢磅礴水氣遙連震
澤雲湖聲直撼清江閣吳農處處唱田歌吳女蕭
蕭動緯絡含桃已老山梅黃梅市香清拂簾幙尋
歡不惜舞袖長沉醉翻嫌春酒薄新交結得古人
心高歌激昂向碧落冰輪乍湧遠天淨一派寒光
洗大壑男兒志氣須開拓不負尊前一話諾

悲歌

吾所思兮天一方思之不見摧心腸不覺涕淚襟
浪浪彼吳會兮隔百里欲往從之河無梁安得飛

雁參翱翔蘆荻蕭蕭兩岸旁朝承日影夜星光故
人不及春草芳重攜書劍到斜塘憶昔三秋相遇
時紅顏未許白髮蒼誰知握手成契闊吳山粵水
空相望吁嗟兮人生忽見桑海變歸葬青山日月
長寒食柳絲輕拂面半杯濁酒誰來嘗

春江花月夜

江上清波流汨汨繁花掩映春江側更逢良夜遙
相思華月凝光淨如拭花憐月影甯有情月照花
枝同一色此時兩岸芳心結惆悵中流渡不得翩

然白雲江邊飛何由跨作雙飛翼

寄衣曲

隴頭九月清霜飛長風颯颯生寒威妾居深閨怯
羅幙良人塞下悲無衣遙夜粧臺理刀尺引愁針
線嬌無力會時苦少別時多約略形容量寬窄將
軍繡衣乘鐵駟豁達秦天逞陰摯忍將白骨博封
侯眼中寧識相思字玉關西望雲冥冥使妾哀怨
何時停殘燈低照妾心苦向人不語徒青青

禪隱先生歌

先生骯髒負奇骨辭家學道遊天台築室半山傍
危木列石爲坐鋪蒼苔山風一夜飄然來吹得山
頭花盡開偶來花下把鐵笛雲衣瀟灑岸高憤叫
破孤煙凌太虛密葉叢條聲淅瀝嗟乎山中詎知
秋復春落花掃作巖邊塵因緣已與人間斷嬾出
深山再問人

南邨行

憶我今年三月三昆及季弟並兩驂南村之遊風
日好野麥未秀桑未蠶到今九九逢深秋還向南

雪齋詩存卷一
村理舊遊高林已老蘆花白飛空寒葉聲颼颼殷
勤重訪華門去餽茶主人今何處老婦見客自蓬
首簷前薜荔穿戶牖平臯日落驅車還佳興未闌
呼大斗

南城行

登南城兮日高高廓然睥睨雲橫野浮圖遠影插
長天青陌如茵堪試馬城中萬戶列眼前一歌一
哭在其下鳴雞吠犬何時停夾襍水聲西來瀉

農家怨

謂飢須耕寒須織先民有訓食已力當此夜寒清
漏長耳聞紡績心惻惻三吳子弟勤作苦不怨科
徵怨煩索既將租調輸公家額外誅求不少釋綾
絀博得富兒錢饘粥何曾自供給大官試轉青眼
看吏貌何肥農何瘠三時拮据籌妻兒一紙橫催
爨烟白羣飛食肉席而翼何時一解農家厄

靜夜吟

孟冬之月天風高霜蟾落影穿林石千年忠佞分
寸心一片清嚴映書策豈無鴻臚臬嚇鷓雛豈無鴻

雪齋詩存卷上
鵠鍛羽翮忠良被謫讒夫張塵自飛紅雪白白丈
夫慷慨爲濟時埋輪請劍聲光赫不然笑傲凌滄
洲甘作天涯獨醒客吾聞管寧一榻坐蓬室君平
垂簾寄逸迹隱居自愜幽人心愛此孤身若拱璧
牀頭明月照無眠靜聽寒雞叫寥碧

北風行

書堂燈火坐兀兀北風萬里來蓬勃壁間雄劍凌
霜飛瘦蛟老鼉鳴石窟此聲入耳何壯哉噫氣怒
號真竒絕千尋古木千層霄翻空葉脫存高節沈

寥天壤開陰霾丈夫於此頗激烈秦庭七日淚吳
市千秋血飲冰茹苦何爲乎不忍貞心竟摧折獨
聞西方金僊子碧嶺高樓六載雪雄風一拂萬象
低夜夜明星照澄澈

古杉行

東山山高浮雲齊翠杉百尺凌招提根盤玄壤蛟
龍蟄枝入青冥鸞鳳棲鬱鬱勢扶雙闕壯稜稜氣
壓五峰低層條密葉蟠空際吳天廓落拂虹霓有
時震撼起風雨懸崖迸裂寒泉飛月林得此增勝

雪齋詩在卷上
概香臺清楚開淒迷吾聞竒木崛起山之中霜柯
鐵榦分鴻濛固是山靈鍾神異亦緣孤直摩蒼穹
扶桑若木說杳渺縣圃在西滄溟東何如此間真
竒絕一株獨庇青蓮宮君不見翠微高臥寒山子
又不見石壁枯坐碧眼翁松蘿瀟灑靈境別木石
磊落禪心同怪爾槎枒撐日月赤城少室烟霞通
來遊來歌咸竚足翠映衣袂翩長風吁嗟雄姿特
立霄漢上能令千巖萬壑凡材空

贈晦山和尚

晦山老人來何許葛衣竹杖西風裏聯翩逸興凌
秋雲歷落高歌對寒水胸中觸處辨材機超超玉
塵揮玄理偶將行腳話因緣軒然不覺鬚眉起公
本烏衣舊有名稜稜冰骨丰神靜心屏塵氛斷世
緣手持瓶鉢歸禪境為愛雲居景絕竒丹崖翠樾
擁參差鑿頭斲藥青霞破松下繙經蓮漏遲近來
辛苦為傳衣越水吳山登涉疲船子釣灘渺何處
冷泉烟月最相宜浪蹟年季似海鷗一聲秋雁動
離愁著書枚馬淪落盡清言支許空相酬吁嗟乎

雪齋詩存卷上
如公心事知者誰柴桑主人千秋師借問滑稽逢
世客何如一卷隱茅茨

福嚴院謁靈機和尚

古塘蕭瑟明星高一鉤斜挂石門道寒村犬吠夜
鐘動野客侵霜踏幽草喬林落影何扶疎氣象髣
髴沃洲好叩門喜得謁開士饌設伊蒲相慰勞竹
廊燈火長熒然禪心內照寂不眠大師一喝天上
落碧蟾萬里吐晴煙吾聞太白宗風稱卓絕當年
費老骨如鐵鬚髮華髮凌寒霜摩尼珠光射曉月

常愛觀花宴坐深有時轟笛青山裂幻迹已隨雲
去來真心不逐波流滅師亦雙林獅子兒翠岩遊
戲琅玕枝近來法席多凌替幡幢努力孤身持試
問如雲叅訪侶三更靈悟誰能知

題面壁圖

閒居流覽祖師圖見背却識西來面
雙眼雖如紫電光射住右壁何所見
世人有眼務外觀亂雲鳥道封巒
屹夸父逐日不知止秦皇驅石空
長歎至人有眼燭內幽乾坤浩氣
一壁收有時千花媚岩

雪齋詩存卷上
谷有時孤月涵林丘曾聞僊經說胎息收視返聽
但守黑須知開士九年心翠壁千尋等玄墨長空
淡淡天如洗至今影落青崖裏作家相見話宗風
大易猶然陳良止

泣玉吟 并後序

瞳如秋水眉如月玉樹叢中稱雋發常披書卷對
春雲花氣芸香香不歇夜涼幽砌啼蟋蟀疏窗月
映如霜鋪丹心弔古滴清淚註素志遊仙看畫圖
註無奈桐英落早秋書魂淡蕩渾難收欲將寸血

貫萬卷西風吹徹寒生裘攬鏡自憐癯影促那得
金丹顏使沃駿骨霜摧伯樂悲一夜琪枝泣碎玉
苦憶當年倚曲屏攝生屢欲叩黃庭果教靈藥餐
三秀轉見清思融五經

懷僊吟

桃花萬樹僊家春花間行酒來羣真忽憐人世同
春夢一一誰能度軟塵遂謝驂鸞并跨鶴玉簫金
管付寂寞雙髻飄然下白雲五都市裏清歌作浮
生盡戀紅顏好豈料紅顏不常保試看青山木葉

雪齋詩存卷一
飛秋風一聲天地老紛紛人事又如何黠者偏留
哀怨多不如一醉養心骨岩前明月挂煙蘿醉中
却有長生理下士聞之笑不已高喚清歌春夢醒
卓犖千秋采和子

泣玉吟者丁子憶兒榮裕之作也裕兒眉目秀
麗幼即深心嗜古善通人情溯甲辰臘月二十
五日為懸弧之旦季十三寒齋夜讀率蒙霧露
而天始終梗概備述思子賦中至其慧心幽緒
感慨獨深常得墨刻藍祖踏踏歌一篇吟諷不

輟自恐年壽弗長浩乎有學仙之歎奈夙乏良
緣詘焉齋志嗟乎人生分薄得為山澤之癯足
矣設也骨肉相依曳杖雲關頤真石室保有遐
齡豈非天壤至樂哉向託騷體著道思一章叙
此意兩作俱失於梁上君之手中心愴然前事
如影補作短吟爰念儒者窮經玄宗棲默若悟
虛心實腹之旨讀書豈在糟魄耶死生亦大矣
真人愍世幻跡狂歌明眼人自宜窺見此又懷
僊一喙所由作也

雪齋詩存卷上
題贈張榮三壁上畫竹歌

張君援毫注清思琅玕十丈費經營素壁蕭蕭新
綠滿虛齋拂拂春風生高枝直欲棲碧鳳幽石偏
宜坐老翁蒼苔翠篠隨點染寒香疎籟凝遙空張
君生平勤學道築室玉山尋窈窕偶然浪迹攜孤
琴一派閒情付鷗鳥贈君新詩答君意池塘一夜
添涼雨雙眸愛對此青青堪作閒中醉吟主

吳江徐臞菴悟禪理妻蕭氏虔奉大士嘗夢
詣一精舍聞梵誦聲見霞冠白拂者曰有罪

過者莫入蕭氏自省寡過舉足便入雪菴聞
而有感爲賦此什

佛音寂寂何所聞佛色冥冥何所見衆生同入不
二門誰遇機鋒直自薦多緣心垢未曾除濁水定
無淨月現苟能法戒備精嚴心王舒光照萬善女
士持行如冰霜佛理相通如一線我耳無著聞妙
經我目無瞥見佛面不二法門舉步超心空頓入
如來殿是謂夢中作佛事夢耶真耶兩不戀轉如
是經禮是佛菩提花開了一電

聞晦山和尚入寂感賦

去年八月蟾光寒晦公法鼓振幽瀾今年七月淒
風急晦公禪龕闕佛日人間誰是駐長生萬六春
秋駒影疾去乘元化遊無窮豈戀浮軀抱殘質晦
公磊落心骨竒三峯得法繼宗支草書不數醉時
筆木葉題遍寒山詩江樓佳話傳黃鶴煙霞揮灑
興淋漓高吟或來山鬼嫉幽思只與僊靈期淼淼
浙水吹白浪法堂雄踞靈山上為探秋香過別峯
忽然舉手謝青嶂卓哉大士驅逸軌雷音遙唱梵

雲裏矯霧何難凌太虛追風不用真龍子珠林慧
業孰如公猿啼鶴唳山重重再來訪道雲關下雨
過誰人新鼓鐘

庚申十一月喜晤故人王子甫瞻作長歌以
贈之

五湖之水何蕩漾浮天浸日東南邊出沒洲渚幾
千百總乘元氣噴薄雲煙我里之間有一水清澈
見底如瀟湘僊人何年駕鶴一戾止至今靈種生
奇毛盤雲映月聲淒涼水東百里有一山異石剖

雪齋詩在卷上
空出如潔白玉發幽人之喩賞往往五老九子之
靈峭叔在咫尺峰巒間我釣鶴渚水君棲玉山村
山水有奇氣江鄉如故園定交却喜蓬萍跡過話
時將肺腑論憶我弱冠時自謂懷抱灑落真莫比
四月陂田菜麥黃九秋霜樹江楓紫高歌陌上喚
鶯啼跌坐花間看雲起旋喜膝下添兩兒慧心朗
發親書史君來看我興正佳樽酒華鐙對寒蕊君
工作法書兒解愛奇士齋頭每聽屐聲來雀躍將
迎笑盈耳誰道浮雲無定蹤半生恨事丙年冬勞

君慰我西風裏我託哀此答晚鐘

裕兒最善甫瞻酷愛甫瞻小楷前事

如夢中心如擣

此後形神並潦倒歸真重訪寒山道那得澄

懷海月寬只愁白髮秋風老君別我又四年今朝
寒江放一葉新詠浮家攜滿卷志和浪迹真悠然

甫瞻有浮家圖諸名士題詠甚富

勸君濁酒祝君醉醉後喩幾句詩

思何清豪幽墅尋花攜勝侶騷壇落筆驚兒曹處
處雲林寄嘯傲文人落魄聊爾爾俯仰廿年彈指
中向來哀樂同流水已焉哉日月逝矣豈復來謫
僊花下獨行杯窮途莫效阮生哭流俗何知杜老

哀請與子縱煙波之逸棹叩世外之僊宗丹成攜
手共歸去但坐干雲拂日長松頂笑指羅浮三百
峯

白雪歌

南風吹日天光凝

釀雪注
注南風

千山萬山彤雲興江城初

漏傳寒響片片雪花栖古藤花裏瓊姿稱第一落
梅飛絮應難匹玉妃巧手細剪裁密灑長空寒瑟
瑟奇葩繁蕊嬌上春冷紅晚翠宜幽人對此江天
同一色浩然心目無纖塵孤舟湖上方塘曉層波

不動層巒杳素煙玉骨縞衣裳漁舍僧寮空縹緲
聞道豐年積盈尺寂寥喜見寒光白茫茫元氣混
虛無爛熳琪花封錦石冰壺堪映真人丹銀界曾
移蘭珮寒素枝采采笑盈把碧海僊娥倚玉闌

寄懷張采六蘄水署中

赤葉黃蘆繞江起秋帆一幅去千里判袂河梁長
憶君佇看魚箋寄江水念君高節追伯鸞偕隱幸
稱德曜賢布衣操作荆門裏子夜拈針霜月圓兩
甥却喜常相晤年少翩翩雅才具吳雲楚雲隔萬

重思君只望江頭樹今年吳中苦雨生三伏聽盡
奔濤聲湖田強半不收獲臘月積雪悲風鳴江城
逸興君安寄應向綠楊橋畔醉高懷千古弔蘇髯
絕壁江風盪晚翠畫堂置酒銀蠟燃官曹勝事無
羈延春還鄉縣鶯花亂君蚤歸來放釣船

家人戲藏猫子其母悲鳴尋逐感而作此

簷高如山不敢度乳湧如泉不能哺露深月黑終
宵行母號子應空回顧天明為渠張取梯二子跳
躍失悲啼

雪菴詩存卷上

雪菴詩存卷下目錄

今體

秋夜聞雨

秋思

朔風

贈僧

春夜

秋葵

薔薇

宿幽瀾禪房

聞絡緯

秋夜讀史

偶題

訪友四首

憶裕兒十首

喜雨四首

咏杜根李燮事二絕

拙橐為舢篋者取去小奚從甸山清映師處

獲所贈原橐歸喜成四絕兼謝清老野茶之惠

偶拈

苦雨二首

題片雲鶴影冊

送王甫瞻還婁江二首

嘉平月三日偶拈

嘲甫瞻

除夕

元夕雨

夜深得月

悼吳乳媪二首

懷大兄

寄弟

贈鴈

咏蓮葉

江行

酬計無能

蟋蟀

客夜夢亡女

月下即事

朔風三首

送孫古陶楚遊二首

藏魚子蘭密室

香林積雪

辛酉元旦

述祖德

月夜登超果寺一覽樓

登橫山高處

中秋四首

咏懷古蹟十六首

漫興

鄉行即事

丙辰歲事

茅亭

題崇福寺

詠鞠二首

詠雪二首

詠春櫟

秋夜

病中寄興四首

贈錢元貞

贈黃逸人

秋夜悼第三女

和王甫瞻浮家詩

贈周儻生

春正十一日集周上衡即松居分得仙字

訪禪室

雪菴居士念佛詩二首

雪菴詩存卷下目錄

雪菴詩存卷下

武水丁 嗣澂 集虛

今體

秋夜聞雨

滴瀝復滴瀝涼風吹雨亟幽人有遐心高臥孤燈息

秋思

增 月令新嘗棗吳歌試采菱江南風物好懷舊感彌

朔風

日落黃雲滿悲風起樹端還憑壯氣在慷慨欲衝冠

贈僧

君說廬山遠廬山船頭起一點曉星光收絕寒塘雨

春夜

心靜開幽意疎鐘度遠風庭空新月落好景在寒松

秋葵

疎花臨石逕碧葉映蒼苔猶是亭亭質霜風未許摧

薔薇花

閒居日方午有鳥鳴青林千花好顏色片片燕支深

宿幽瀾禪房

窗外一叢竹時聞棲鳥鳴微風半夜起葉葉皆秋聲

聞絡緯

草蟲吟庭砌清籟洗兩耳掩卷對爐香空齋靜如水

秋夜讀史

高行傳青簡蟲聲發遠條秋燈當夕照獨客意偏遙

偶題

廬
禪心空愛戀玄攝在清虛坐看雲來注秋風拂艸

訪友 四首

伊人住在江南里正值江南春好時忽聽亂鶯催
躡屐煙邨野客起相思

行來霽色干林遠苑屋蕭蕭花覆簷一曲棹歌前
渡發小橋斜處颺青帘

喜伊築室蒹葭裏蚤放薔薇滿架花客至便將鄉
禮待汲來新澗煮新茶

阡陌縱橫布置好柔桑修竹夾人行雞鳴前巷分
輕袂珍重溪邊握手情

憶裕兒 十首

名花清艷鬪春姿每向東風護弱枝一是惜花人去後任教蕭瑟與離披

鬢季偷學得丹青點染秋山春樹形一種慧心何處覓空齋細雨溼冥冥

簪花新格又何如搨得神僊碑上書一卷踏歌歌罷後海山無路付長噓

窗前小飲一杯茶擬奮雄心讀五車茶竈未殘人已去雪濤還噴舊時花

支離病骨酒爲醫午夜嚴寒酌兩卮不道濁醪難續命磁甌猶是寄相思

九秋節物點輕霜霜果攜來喜滿筐賸有橙黃橘綠在空教好景繫斜陽

吳綾衫子織松芝舞鶴翩翩好羽儀兒欲披身拜王父到今空鎖眉塵絲

爽氣凝眉逸興深不教脫帽坐花陰輕貂只爲曾相許聊寄延陵挂劍心

幾番寒食綠楊天隨拜高曾古墓田謂爾承祧宜

雪齋詩存卷一
弈弈誰知祔祭却季年
衰翁無淚淚偏稠靜夜思兒斷復流欲寄白雲通
一語小亭花艸恨千秋

喜雨 四首

朱霞乍斂輕陰生已見涼飈送新雨始焉搖曳等
游絲竚看秋山瀑布舞

夜來急雨摧蓮葉堂下蟋蟀停幽喙五夏簷溜直
洗耳秋客清夢棲寒衾

猶憶火雲熾三伏吳農桔槔心如燔彼蒼忽念赤

子苦降此甘雨霖秋原

不雨畦間百蔬老得雨岸畔千花開海棠清艷玉
簪冷寒香燈下秋蟲來

咏杜根李燮事 并序

按史二君皆東漢時人根上疏請鄧太后還政
櫻怒幾死逃宜城山中為酒家保積十五季安
帝徵拜侍御史燮父太尉固懼梁冀之難避禍
南徐傭于酒家者十餘季卒存太尉之後二事
相類比之以酒自全者更覺迹奇而心苦爰賦

二絕以志慨

宜城酒肆亂雲封杜子窮山此竄踪遠禍只愁名
姓在李郎亦作酒家傭

陶情爭覓醉為鄉匿跡全軀慮較長漫道疎狂惟
寄酒酒家原不著疎狂

拙橐為胠篋者取去小奚從甸山清映師處
獲一篇歸喜成四絕兼謝清老野茶之惠

半千里外索前詩自笑梅花處士癡珍重旻公雲
樹裏緘還一紙答相思

闊別青山已數季夢魂常自遶雲泉小奚歸報山
中景記起前遊益恍然

名山歲歲飽烟霞世外清芬雪作花此是趙州真
法味何緣分到野人家

遙想山中生計閒千僧瓶鉢白雲間慚余未得維
摩意一榻蕭蕭只掩關

偶拈二首

元神凝處即為丹曾向寒山詩裏看石壁隱身無
別術只如秋月照晴巒

雪齋詩存卷下
因攜隻履去西天疑殺高山面壁季待得英靈傳
大法心空蚤已證金僊

苦雨 二首

黃梅一雨却連秋萬戶皆深昏墊憂非是天心仁
愛少可知調燮在公侯

三吳千里溼雲屯急雨驚濤真畏人一曲南風開
雅化便教滴俗也還淳

題片雲鶴影冊 并序

片雲鶴影四字婁江甫瞻王子題贈裕兒小影

者也憶已未夏五雲間宗漢顧君來此余倩仿
兒者目覺秋水寒香宛然神似至於往來感慨
稱物潔而託意長則四字實為寫真妙手夫如
雲如影人間世何足深戀然未免有情賦恨賦
別古人豈盡無達識而柔腸難割若此乎辱王
子雅愛不忘小子盤桓之舊醉後餘哀泣數行
下因拈二絕句

臨池逸興舊知名能寫閒雲去住情一片秋天橫
紙上揮毫却見彩雲生

雪齋詩存卷下
僊翻凌風好遠遊半空影落那能留徒嗟戀影懷
疇昔沙舞翩翩碧水頭

送王甫瞻還婁江二首

君泛滄波若白鷗如何一別幾經秋布帆無恙須
乘興過我寒溪話勝遊

初分海色曉煙籠雙槳孤蓬君又東來歲湖亭風

月好春芽蚤貯待盧仝

甫瞻有
茶癖

嘉平月三日偶拈

史稱尺雪方爲瑞却喜今年兩度看釀得松花泛

遙夜美人春思隔雲端

嘲甫瞻

冷腸六月亦教寒况復霜風逼歲闌閱罷人情堪
一笑芒鞋却勝是蒲團

除夕

空裏韶光次第來暖風先放小庭梅一季好事疇
今夕酌酒燒燈送臘回

元夕雨

燈影好看三五夜雨聲却聽兩番新滿城絲竹收

繁響閒著開簾待月人

夜深得月

老夫愛睡惟高枕兒報三更月在林應是姮娥貪
夜靜徐教碧影散春陰

悼吳乳媪二首

不許雙嬰戀母顏慈雲元日返僊山
庚辰元日孿生余及季弟先慈遂歿
汝來十載提攜我長伴書聲寒漏間

欲仿西川作傳傳媿無妙筆似蘇髯最憐風雨蕭
蕭夜全宿江村避難船

懷大兄

家孟吳山去煙霞滿眼秋淒涼過鶴市寥落問花
洲應有高人在能消旅客愁寒塘水漠漠何日擢
歸舟

寄弟

獨坐多愁思商歌望子來如何潮上艦空載月明
回料得他鄉客同斟曲院杯名花可寄遠為取一
枝栽

贈鴈

雪齋詩在卷下
把酒酌鴻鴈淒其在遠行春華偏北度朔氣獨南
征終歲無停羽長途有別情蘆花灘上宿不戀維
陽城

詠蓮葉

蓮花號君子蓮葉類衰翁姿冷秋江上神寒明月
中香風堪結佩爽氣欲浮空愛此移涼簟華胥有
徑通

江行

風色帶空闊橫行不可干歸帆隨野鳥落葉滿秋

瀾岸折潮聲急雲低岫影寒微唵江上客愁絕幾
回看

酬計無能

大雅推人傑君家兄弟難賦懷同白雪吹氣擬芳
蘭典籍恣幽賞江山慰壯觀新詩留一卷驢背好
攜看

蟋蟀

秋氣悲淒絕寒蟲敵五夏亂唵百草露常伴一書
檠耿介金精質驍雄壯士情如何春日鳥宛轉樹

間鳴

客夜夢亡女

旅館蕭蕭夜何緣見掌珍魂歸已半載夢到只今
辰衣飾仍無恙音容亦未陳相逢忽相失鐘響怨
西鄰

月下即事

一水瓊瓏處幽人乘興行林開今夕月秋到去季
聲野笛吹殘曲村醪對落英夜深無所事雲影正
空明

朔風 三首

嚴宵華月落感發夏長號煙徑空山斂霜林古木
高龍媒將軼駕寶劍試吹毛磅礴真無敵茫茫首
欲搔

十月天光黯寒門勁氣來素波吹白練觸岸起奔
雷聽遍嚴城柝斟殘清夜杯蕭騷佳興愜既醉便
無懷

霜飈集戶外還念女紅難終歲惟勤織今朝不免
寒殘葩待晴旭遠鳥倦征翰惆悵路岐客何從戀

綺紉

送孫古陶楚遊 二首

丹丘有逸士白水訪真詮
靜思觀蘿月清歌答石
泉瀟湘稱勝地襜被自秋天
應有畸人在傳君胎
息篇

遠遊在何許明月照蘿衣
欲訪龐公宅先登巖子
磯善葺甘豹隱高舉羨鴻飛
採得僊家藥還應早
息機

葺魚子蘭密室

雪色南牕滿芳叢怯曉寒
移來芸閣裏還傍玉鑪
安書卷微凝翠燈花細映丹
明季繁蕊好馥馥散
雕欄

香林積雪

碎瓊何瑣瑣一望滿僊山
冷骨蒼松勁寒姿翠篠
閒素煙凝梵宇玉色燦金顏
開士棲心寂時聞清
磬還

辛酉元旦

玉瑄陽和動千門老稚歡
歲占為有穀春意已先

蘭禮佛拈新火寧親護曉寒棗湯祝耆壽好佐五
辛盤

述祖德

為三世祖海鶴公

名德傳家遠官評歷世長攜琴來艸澤捧檄泣荆
方自具通儒略無慚上國光白雲低郢路芳芷弔
江湘使節辭黃署行歌返草堂騷情擬屈宋逸興
踵羲皇叢鞠當秋冷孤松傲雪蒼家從玄圃近庭
有綠蘿芳父老思春雨園林對夕陽吟成山月落
醉倚石牀涼閒輯養生論時披招隱章上官崇雋

烈介壽喜康強清白貽孫子風流比謝王殘碑郭
泰墓古木鄭公鄉戶牖煙霞迥春秋蘋藻將何時
闡盛烈千古紹青緗

月夜登超果寺一覽樓

花宮良夜自迢迢華月初升在碧霄樹色盡看春
後雪梵聲疑聽晚來潮鼔戔戔成鼓因風度閃閃禪
燈隔霧消身倚画欄臨百尺一天清思羨漁樵

登橫山高處

九峰纔向此峯遊攬袂行行最上頭巖迥半天開

石屋雲連一氣見滄洲飛濤不斷千松古落葉先
看獨樹秋休道山居多寂寞疎霞爲侶石爲儔

中秋四首

正是瀟湘八月秋庾公清思滿南樓竚看綵幄留
僊飲夏泛清江載客遊憑弔溪山發佳興高唵落
木洗閒愁季年皓魄臨寥廓不省人間有白頭
雪濤直向廣陵飛隱隱姮娥試舞衣寒澈江樓更
縹緲光迴海嶼正霏微唵殘深夜乘船去酌盡芳
尊挾瑟歸二十四橋明月路可知原是舊京畿

玉宇無塵淨野烟素華如練落平川何人按曲穿
雲杪有客浮槎橫漢邊寒水蒼葭懷白露小山叢
桂恰秋天底須身領南柯郡爛醉高堂鬧管絃
朗朗中天水鏡遙孤飛萬里見秋毫籬花未發寒
烟悄旅鴈初聞夜氣高帝女淒清傳玉笛仙家瀟
灑動雲璈何季遂我尋真意來往滄江一布袍

詠懷古蹟

十六首并後序

燕都

薊門千里倚雄關日月雙輪照帝寰秦晉西陪上

國輦荆吳南奉列侯班篆摹石鼓天章煥士集金
臺雲物閒古戍漁陽傳用武那知佳境在西山

金陵

自古金陵作帝州空餘寒月照江流三山遙拱石
城外六代驚番禾黍秋盡說仲倫知大節幾為安
石贊嘉猷攜琴彈向新亭下悽絕絃聲問楚囚

太原

河曲風烟接冀州年年鴈度報先秋鄉推王烈高
名望人惜劉琨瞻智謀水涸滹沱開成壘雲飛石

室到邊樓陶唐千古傳明德一片寒城映碧流

東昌

箕山影淡疎雲外瓠子橫流聲自喧箭落聊城非
上策琴聞濮水有餘冤衣冠半逐荒烟沒文物空
憑落照存故老相傳巢父墓蒼然遙對魯連村

秦中

秦風振古逞雄驍試咏同袍氣更饒山聳中條叅
二華河連清渭鎖三橋溝邊纔納劉家壁原上旋
驅蜀帥鏢多少英流爭勝槩詎知巢許有逍遙

逍遙公

雒陽

三市迴環遶故宮
閒花開落上陽中
緱山不改姬仙蹟
伊闕長留禹帝功
共喜金門懸夜月
孰憐鐵嶺度寒風
西來難覓耆英社
寥落殘編數老翁

武昌

鄂王城下萬人家
日日南樓江影斜
門泊吳帆尋九曲
道通蜀棧問三巴
周郎破賊非殉漢
黃祖誅賢是畏邪
安得便乘明月夜
滄浪一泛采蓮花

南康

城踞匡廬山北頭
憑高凝望思悠悠
五峯矗立白雲杳
一水迴環碧浪浮
寒鴈有聲明月夜
孤帆無影大江秋
流風誰繼陶彭澤
不愧南州高士儔

錢塘

鳳嶺虛傳王氣含
建炎帝子早停驂
青山易壘勞臣怨
碧水難消明聖慚
雙闕風烟荒漠北
六橋花柳艷江南
偏安自古非雄略
贏得西湖作美談

會稽

南挂孤帆上會稽
名賢何處弔幽棲
石窗夜度寒

星迥金谷晨開冷月低不見蠡城留甲楯獨看蘭
渚泛鳧鷖諸陵劍鳥淒涼甚愁聽寒鴉繞樹唳

蘇臺

吳山蒼翠拱吳畿賸有荒臺孤鳥飛開鏡樓頭惟
夜月吹簫市上已斜暉文人浪筆爭如米詩老風
裁合讓韋却喜近來饒逸節白雲吾欲訪禪扉

蜀中

江城如錦漫相誇蜀道難行自古嗟險峽瞿塘屯
戰騎倒流瀘水隱悲笳武侯不醉醪醪酒杜甫空

傷蘆荻花土俗依然祠望帝子規啼落幾殘霞

滇中

點蒼高峙古梁州隱隱天南佳氣收黑水終歸禹
世界棘人原奉漢諸侯相如諭後傳詩禮諸葛征
來服義謀誰向龍山曳短策瘴烟蠻雨共閒愁

涼州

肅肅陰風一鴈初隴頭西望費躊躇箏聲寒峽孤
雲外鞭影蕭關落葉餘王母何年棲鶴駕秦皇此
地駐龍旗最憐臣節推張駿萬里江南遠上書

桂林

桂山高下桂枝栽桂逐涼風歲歲開采鳳聯巢徵
古璞老龍長嘯起殷雷帆移樹影秋潮落艣襍江
聲春雨來聞道仙靈愛幽曠可能飛劍步虛回

閩海

依山立國海為邊十載不通吳塞烟天將北來爭
度嶺諸軍南遁慣乘船潮平蠶蜜沙洲隱風靜蛟
門雲日暄故老相逢談往劫丁男徵盡更輸錢
語云讀萬卷書行萬里路為第一快事間披吳

都蜀都西征北征諸篇靡不醯雞增慨樊鷁深
羞所作懷古十六首或得之杖履或得之傳記
或得之感慨有觸於機即寓于筆乃詠之固非
一時今集之以便一覽云爾至若太白所云醉
盡花柳賞窮江山余又甘愧古人矣

漫興

嘯傲滄江作釣夫吾生高致在菰蘆垂綸月渚攜
孤笛移棹花溪載一壺北上星霜憑旅雁南中臺
榭付啼鳥達觀已薄屠龍技何事雕蟲號小儒

雪齋言在卷一
鄉行即事

瑟瑟西風吹劍鉞一竿帆影未斜陽牧人驅犢臨
秋坂稚子鳴榔出野塘斷續菱歌翻浪響高低
屋帶烟光從來愛朴存吾道如此鄉風劇不忘

丙辰歲事

九秋風物白雲多其奈江村旱溼何驟捲驚濤侵
沃野連綿苦雨敗嘉禾繞籬鳧雁棲寒藻入檻菰
蘆長碧波仰望數行寬大詔重扶生意到煙蘿

茅亭

季來孤緒託清醒手蓋秋原一野亭矯矯松枝盤
作岫青青竹葉繞為屏看雲欲奏水僊曲坐月還
披古佛經更得良朋發高論石泉煮處映寒星

題崇福寺

五百餘年古佛廬儼然遺構枕荒瀦豈惟開士堪
棲隱應許騷人此卜居七澤烟波饒氣象九峰蒼
翠落庭除墨痕破壁龍蛇動帝子王孫已碧虛

宋高宗靈山堂額
及趙子昂石剌

詠鞠二首

靈均已擷衆芳名別有泠泠出世情洛浦仙姝瓊
作珮巫峰神女翠為旌每將灑氣舒金蕊不向韶
光鬪綺英旖旎自宜臨月地一庭疎影倚輕盈
東風試暖蚤抽芽直向霜天結晚花瘦節稜稜扶
石竹寒泉淡淡灌銀砂蒹葭秋水伊人在蘿薜青
山處士家隨意籬邊開爛熳我來小飲夕陽斜

詠雪 二首

江城風峭凍雲生指顧俄成白玉京看去晶晶微
有色聽來淅淅漸無聲難求僊子攜長笛好集騷

人對短檠無事遠尋十洲去一庭瑤草自縱橫
青樽酌酒歌已發飛絮隨風舞轉輕便欲乘舟訪
安道不須高臥學袁生吳山玉樹千林迥浙水銀
濤一派清忽見霽雲開氣象烏鴉幾陣落寒聲

詠春櫟

蜀柑楚橘稱佳侶高結輪囷倚草堂遍著清霜猶
帶綠漸交遲日却舒黃品登蘭室名流近香襟芸
編逸韻長我欲坐消良夜景金團玉盃照燈光

秋夜

乍看落日霽陰好遲見明星暮景清小坐雅宜臨
水閣一編且自展秋葉飛來木葉知誰樹吟遍沙
蟲不記名更喜夜涼疎籟發舉頭華月正盈盈

病中寄興

四首

尋芳挈伴記良辰回首依稀又六春雙徑晚燈迎
客屐一亭霽雪送歸人浮浮黛影山隨眼冉冉溪
光雲傷身盡日閒情消不足到今何處問遊津
身期寶地再登臨病與緣違直至今碧嶺不知人
漸老画橋無復客相尋春山鐘鼓縈幽夢驛路鶯

花動苦嗟最憶小樓留一宿捲簾雲水共高深
弱歲談經事業沉中季多病獨關心畏途早佩莊
生戒危坐常披崔子箴吾道無瑕如白璧此身可
寶勝黃金靜中更養天和足免使秋霜頭上侵
仙家本是古遺民愛住青山不記春花到盛開歌
一曲酒逢初熟醉千巡看雲自喜離塵世聽雨長
懷對故人何必桃源尋勝蹟孤峰來注任閒身

贈錢元貞

先生兀坐似忘形衆醉紛然意獨醒齒漱寒泉吞

玉宇窗留芳草護，
亭蘇門隱去同。
僊躅甫里歸來作客星，
最憶故園風景好。
放舟南浦水泠泠。

贈黃逸人

江村烟水曾同泛，
卜築城南復比鄰。
采藥幾時逢逸女，
吹簫何處接僊真。
經年浪蹟思彌切，
此夕狂歌興莫倫。
家釀園蔬共春酌，
小簾風靜月華新。

秋夜悼第三女

衰翁方醒東籬醉，
離鴈一聲落半天。
殘月猶明人靜夜，
秋風又動鶴歸年。
心依古佛青蓮境，
夢斷神

僊丹藥緣荒草淒，
迷埋爾骨左家嬌。
女劇堪憐

和王甫瞻浮家詩韵

不向南山去灌田，
一簑閒寄老漁船。
沿溪芳樹花迎棹，
獨夜秋江鶴破烟。
潑眼雲濤驚屢換，
把樽風月興無邊。
塵寰那許羈幽跡，
波面詩鳴意灑然。

贈周儻生

墻東隱去鬚毛蒼，
採藥尋詩過日長。
話到弟兄如庾袞，
情依甥舅比韓康。
峻嶒俠骨垂青史，
慷慨悲歌轉轉狂。
歲暮苦寒君莫悵，
枝頭烏語報青陽。

春正十一日集周上衡即松居分得僂字

攜筇緩步試新葺高閣閒憑意豁然佳植所崇鄰

圃外暖雲流潤墨池邊果蔬隨分娛嘉客觴詠同

時降列仙是日扶鸞花信江南到梅柳開襟莫負早春

天

訪禪室

偶逢暇日尋幽蹟攜却閒僧過曲廊看取數竿修

竹後坐依深院古松旁烟凝荒徑苔衣溼韻入山

廚野筍香徐引禪心動歸思白雲斜映日蒼蒼

雪菴居士念佛詩二首

老我烟霞興未殘花宮蓬戶兩盤桓漫抒幽意調

琴軫莫遣閒情戀藥瀾處處鸞音迎瑞靄時時龍

步繞珠壇孑生不敢將心放詐說棲心貝葉難

靈鷲峰高佛影寒維摩一榻任人看陽春白雪觀

心淨長夏紅蓮逢眼歡但得宗雷共雲壑好聯陶

謝定金蘭息機已忘風濤惡杯渡從教滄海寬

雪菴詩存卷下

先君子生平性好澹泊不慕榮利家居布衣蔬
食焚香嘿坐晏如也讀書之暇留心內典時出
遊名山古剎徜徉終日有逍遙物外之致故所
賦詩不事雕績一以閒澹為宗二約性情流露
之言居多惜全藁為胠篋者竊去存者僅十之
二三倘天假之季吟咏當日富小子亦得于過
庭之下熟聞之不幸未及艾而遽棄人間芳時
甫成童羸知收拾歲月悠悠又二紀於茲矣凡
所存者或致散軼特付之剞劂請正 當代宗

工有同好者見詩而并知先君子之為人所厚望也男桂芳百拜謹識

望者言不誤

望者言不誤

